



UKA2015/24

Tillie Martinussen

13. oktober 2015

**Ilisimasortat pillugit inatsisip ilaata Kalaallit Nunaanni Namminersorlutik Oqartussanit atortuulersinneqarnissaanik Inatsisartut aalajangiiffigisassaattut siunnersuut.**

(Peqqissutsimut Attaveqarnermullu Naalakkersuisoq)

(Siullermeenera)

Demokraatini isumaqarpugut siunnersuut manna pitsaasuusoq taamaattumik itisilertikkusukkaluarparput sooq tv-kut nakkutilliineq pillugu titarnertaaq Kalaallit Nunaannut atuuttussaaitaanginnersoq kiisalu suut ajornartorsiutit pissutaanersut Paasissutissat inunnut tunngasut pillugu inatsisuo eqqunneqarsinnaanginneranut aamma eqqartuussiveqarnermut ilaasussanngorlugu? Inatsisinik atortitsinermut ministerip akissutissaa pissangalluta utaqqivarput, sooq Kalaallit Nunaanni eqqartuussiveqarnermut inatsit ilaatinneqarsinnaanginnersoq.

Aamma apeqquserparput sullissinermi sooq sullissineq tamanut

nalunaarutigineqarsinnaanginnersoq tamannali qinnutigineqaqqaassasoq. Kalaallit Nunaanni Naatsorsueqqissaartarneq pillugu inatsit maani Inatsisartuni oqallisigigatsigu tamanna ajornartorsiut erseqqissaassutigarpur, qularnaarumallugu sualummik paasissutissat inunnut tunngasut naapertuutinngitsumik atorneqartillugit paasinniagasuartarnissaq.

Uangutsinni apeqqutit arlallit takkupput, soorlu - ajornartorsiut qanoq mikitigissava soorlu ilisimatusarnermut atatillugu, naatsorsueqqissaarnermut atatillugu il.il. paasissutissat inunnut tunngasut ilaat, ilisarnarunnaarsarlugit atorneqassappata?

Aamma eqqaamassavarput paasissutissat soorlu ilinniartinnut tunngasut, qarasaasiami nuissanut toqqorneqaqqusaanngimmata taamatullu aamma soorlu Google appsit atorneqassanngimmata atugassanut pilersaarutit il.il. allanut ingerlateqqinniarlugit, Googlep iluamik nassuiarsinnaanngimmata paasissutissat sumut toqqorneqartarnersut. Taamaattumik inatsimmut pineqartumut atatillugu unamminartut arlaqarpur, oqallisigeqqittariaqakkagut.



Paasissutissat inunnut tunngasut illersorniarlugit EU malittarisassioqqammerpoq aamma isumaqarpugut malinnaavigeqqissaartariaqarigut puigornaguli Kalaallit Nunaanniikkatta. Kalaallit Nunaat inukittunnguuvuq nunanut avannarlerniittunut assersuuttakkatsinnut naleqqiullugu aamma ilisarnarunnaarsaagaluaruttaluunniit imaassinnaavoq paasissutissat - ilisarnarunnaarsarneqarnikuugaluartut - paasineqarsinnaapput inoqutigiinngut aalajangesrimasunut, suliffinnut immaqaluunniit inunnut atasut, taakkununga kinguneqarnerlussinnaasumik.

Naggataatigut oqaatigerusupparput qarasaasiami paasissutissanik toqqorsisarneq ingerlatitseqqittarnerlu misissortariaqaraluarmata Kalaallit Nunaanni isumannaallisaanissaq pillugu misissuisoqartariaqarpassikkaluarmat, isumannaallisaanermut tunngatillugu iliuutsigut naliginnaasumik pisortat pigisaanni suliffeqarfinni taamatullu pisortanit aqunneqartuni ingerlatitseqatigiiffinni qarasaasiat aqqutaat allat atorlugit allat nassiusaannik amoorasinnaasunut taamatullu qarasaasiami toqqortanut aserorterisartunut sillimmasersungaanngimmata. Aamma puigornagu inuit kukkunerisa kinguneranik pisinnaasut. Qanoq iliorluni paasissutissat akulikittumik angallanneqarsinnaappat? Harddiskit, USB-it mailit imaluunniit allat aqqutit ilisimariikkat atorlugit. Ilaq toqqorneqarsinnaapput, annaaneqarsinnaapput imaluunniit qarasaasiat aqqutai allat atorlugit amoorarneqarsinnaapput.

Paasissutissanik inunnut tunngasunik tunniussinermut atatillugu imaluunniit suliffinnut tunngasunik paasissutissanik tunniussinermut atatillugu ileqqorissaarnissamut akerliusinnaasunik pisoqarsinnaanera eqqarsaatigalugu ilanngullugu kaammattuutingerusupparput nunami maani ilisimatusarfiit, Kalaallit Nunaanni Naatsorsueqqissaartarfik, Datatilsynet, innuttaasut kiisalu allat attuumassuteqarsinnaasut naliginnaasumik oqallisigissagaat paasissutissat qanoq ilinerani tunniunneqarsinnaanngortassanersut.

Taamatut oqaaseqarluta matumap ataatsimiititaliami susassaqartumi suliarineqarnissaa innersuussutigaarput.